



FUTSAL BiH u Almereu brani gol protiv Holandana

## Možemo ostvariti snove

▶ 45. strana

**OSLOBODENJE**  
SARAJEVSKO IZDANJE

utorak, 24. septembar/rujan 2013.



# Čobanolu i Ademi posjetili škole koje podržavaju uvođenje turskog jezika u BiH

**U Osmoj osnovnoj školi "Amer Čenanović" veći broj roditelja učenika V-1 i V-2 razreda potpisao je saglasnost za uvođenje turskog jezika u ovu školu kroz fakultativnu nastavu**

Zamjenik generalnog direktora Instituta "Yunus Emre" Šaban Čobanolu i koordinator za Balkan Rahman Ademi posjetili su jučer nekoliko škola u Kantonu Sarajevo koje su dale podršku uvođenju turskog jezika u svoj obrazovni sistem. Jedna od škola, koju je obišao Čobanolu je i Osmo osnovna škola "Amer Čenanović" u kojoj je veći broj roditelja učenika V-1 i V-2 razreda potpisao saglasnost za uvođenje turskog jezika u ovu školu kroz fakultativnu nastavu.

### Jačanje veza

- Došao sam u BiH da posjetim naš kulturni centar "Yunus Emre", kao i škole koje su nam dale podršku za uvođenje turskog jezika. Želimo da vidimo kakvo je interesovanje među učenicima, da razmijenimo iskustva i vidimo na kojim poljima možemo dalje saradivati. Za nas nije bitno koji je to broj učenika koji želi učiti turski. Ono što je bitno jeste da što govorite



Čobanolu i Ademi sa direktoricom Vejselović i učenicima koji će pohađati turski jezik Foto: D. TOROGE

više jezika, više i vrijedite, rekao je Čobanolu. Poznavanjem turskog jezika, prema riječima Čobanolu, postojeće kulturalne veze i bliskost među narodom BiH i Turske će se dodatno ojačati.

- Smatramo da će turski jezik biti jako važan most između Turske i BiH. Jezik i kultura ojačavaju vezu među narodima, dodao je Čobanolu.

Za direktoricu Osmo osnovne škole "Amer Čenanović" Kadriju Vejselović ova posjeta bila je od izuzetnog značaja. To je ujedno bila prilika da se razgovara o saradnji ove škole i Turskog kulturnog centra, te o razmjeni učenika.

### Neobavezan predmet

- Trideset pet roditelja učenika V-1 i V-2 razreda naše škole se izjasnilo da njihova djeca

u ovoj školskoj godini pohađaju turski jezik, što je zavidan broj. To bi ove godine bio neobavezan predmet, da učenici osjete šta je to turski jezik kako bi se sljedeće godine lakše opredijelili za njega, kazala je Vejselović.

Nakon obilaska škole u Butmiru, zamjenik generalnog direktora Instituta "Yunus Emre" Šaban Čobanolu i koordinator za Balkan Rahman Ademi posjetili su osnovne škole "Edhem Mulabdić" i "Mirsad Prnjavorac", a potom se sastali i sa ministrom obrazovanja KS-a Damir Marjanovićem, te rektorom Univerziteta u Sarajevu Muharemom Avdišpahićem. Također, održali su sastanak i sa rektorom Internacionalnog univerziteta Sarajevo Yucelom Ogurloom i s rektorom Univerziteta Burch Huseynom Pademom. **E. A.**



## POSLEDNJE VIJESTI

**POČELO SUĐENJE ZA ZLOČINE NA GRBAVICI** - Čitanjem optužnice i iznošenjem uvodnih riječi pred Kantonalnim sudom u Sarajevu jučer je počelo suđenje Slobodanu Bogdanoviću i Goranu Sladojli, optuženima za zločin počinjen u sarajevskom naselju Grbavica. Prema optužnici, Bogdanović i Sladoje su, kao pripadnici srpskih vojno-policajskih snaga, od polovine juna pa do kraja 1992. ubijali, hapšili, zatvarali i nanosili tjelesne povrede civilima s područja Grbavice.

**MEKSIKO: UBIJENO 10 OSOBA** - Naoružani napadači su jurišnim puškama otvorili vatru na grupu ljudi nakon amaterske utakmice bejzbola na sjeveru Meksika, ubivši deset osoba, među kojima je bila i jedna šestogodišnjakinja, saopćile su vlasti. Napadači naoružani kalašnjikovim rasporedili su se u dva vozila iz kojih su izvršili napad, koji se dogodio na periferiji grada Ciudad Juareza, koji se graniči s američkom saveznom državom Teksas. Među žrtvama su osmorica muškarca, jedna žena i dijete.

**UHAPŠEN PLJAČKAŠ** - U Bijeljini je sinoć policija uhapsila odbjegliog pljačkaša sa 460.000 eura i 120.000 maraka ukradenog novca, javila je Srna. Pljačkaš je bježao u automobilu audi A6 u kojem su se nalazili još jedan muškarac i njegova maloljetna kćerka. Radi se o pljačkašu Peri Blagojeviću iz Bijeljine.

## Priprema međunarodnog naučnog skupa O Sarajevskom atentatu iz drugačije perspektive

U Rektoratu Univerziteta u Sarajevu jučer je predstavljen program Međunarodne konferencije povodom stotinu godina od početka Prvog svjetskog rata "Mjesto Prvog svjetskog rata u evropskoj historiji". Konferencija, čiji je glavni inicijator Institut za istoriju Sarajevo, biće održana od 19. do 21. juna 2014. i predstavljat će centralni naučni skup. Učešće u radu sada je potvrdilo 120 naučnika iz 24 evropske zemlje te SAD-a i Kanade.

Direktor Instituta za istoriju Sarajevo Husnija Kamberović naglasio je da je namjera organizatora napraviti veliki naučni skup i tribinu na kojoj će dijalog o svim aspektima Prvog svjetskog rata voditi naučnici iz BiH, Evrope i svijeta.

- Naš cilj nije svodenje Prvog svjetskog rata na Sarajevski atentat i odnos na Balkanu, već o njemu razgova-



rati u kontekstu evropske historije, ali i šire. Nakon sto godina od početka rata vrijeme je da se o svim njegovim aspektima progovori, te uzmu u obzir i svi novi rezultati istraživanja, kazao je.

Naglašava da će u fokusu diskusije biti različiti segmenti - ideološko-diplomatska utemeljenost rata, mjesto i uloga malih nacija, odnos velikih sila, sve vrste diplomatskih odnosa, iskustva običnih ljudi i vojnika na frontovima,

uloga žena u ratu i druga pitanja. - Konferencijom želimo ponučiti da je Prvi svjetski rat davno završen, jer očigledno još postoje oni koji to ne shvataju, istaknuo je Kamberović.

Vera Katz iz Instituta za istoriju Sarajevo naglašava da u organizaciji konferencije, osim ovog instituta, učestvuju još sedam evropskih instituta za historiju i to iz Regensburga, Budimpešte, Sofije, Skoplja, Ljubljane, Zagreba i Graza.

OSLOBODENJE ANDROID APLIKACIJA

OSLOBODENJE



### Waser Inzkov zamjenik

Tamir Waser, dosadašnji šef političkog odjela Ambasade SAD-a u Sarajevu, odlazi na novu dužnost: krajem mjeseca postaje prvi zamjenik visokog predstavnika u BiH Valentina Inzka. Sinoć je na prijemu koji je Ambasada SAD-a organizirala povodom predstavljanja kolega pristiglih iz Washingtona ovu važnu vijest prisutnima saopćio otpravnik poslova Nicholas M. Hill. "Vrlo sam zadovoljan što mi je ukazano tako veliko povjerenje i jako sam sretan što će ostati ovdje i raditi s vama", rekao je Waser. **R. I.**

### Deklaracija neobavezujuća

Vijeće za zaštitu vitalnog interesa pri Ustavnom sudu RS-a donijelo je rješenje kojim je odlučilo da nije prihvatljiv zahtjev Kluba delegata bošnjačkog naroda u Vijeću naroda RS-a za pokretanje postupka za utvrđivanje postojanja vitalnog nacionalnog interesa konstitutivnog bošnjačkog naroda u vezi s Deklaracijom o uzrocima, karakteru i posljedicama tragičnog oružanog sukoba u BiH od 1992. do 1995. javlja Fena. Odluku je Vijeće donijelo jer osporena Deklaracija NSRS-a ne sadrži opću pravnu normu i nema obavezujući karakter, tako da po svojoj pravnoj prirodi ne predstavlja pravni već politički akt kojim se izražavaju politički stavovi Narodne skupštine RS-a.

### Na hadž odlazi 1.025 hodočasnika

Posljednje pripreme za ovogodišnji odlazak 1.025 hodočasnika iz BiH na hadž u Meku i Medinu privode se kraju, javlja Fena. Oni će hadž obaviti u organizaciji Ureda za hadž Rijasetu Islamske zajednice BiH. Na hadž će iz naše zemlje putem turističkih organizacija, a pod supervizijom Ureda putovati još 58 hadžija putem Biss toursa iz Zenice i 50 hadžija putem Merkez oila iz Novog Travnika, navodi MINA. Po riječima šefa Ureda za hadž Rijasetu Islamske zajednice BiH Nezima ef. Halilovića, muderisa, sve pripreme u Kraljevini Saudijskoj Arabiji su već završene, a ovih dana privode se kraju i redovni sastanci s hodočasnici po svim muftijstvima. S Međunarodnog aerodroma Sarajevo u Medinu hodočasnici lete u dva aviona u utorak, 1. oktobra, treći i četvrti avion za Medinu je 2. oktobra, a peti avion polijet će 3. oktobra.